

**Talamdan sa
Mga Mensahe alang sa Full-time Training
sa Spring Term sa 2026**

**LINANGKOB NGA HISGOTANAN:
ANG MAHINUNGدانONG MGA PUNTO SA KAMATUORAN
SA MGA SULAT NI PABLO—
UNA UG IKADUHANG TIMOTEO UG TITO**

Mensahe 5

Ang Tigbakuna

Basahong Kasulatan: 2 Tim. 2:1-7, 15

- I. Nahitabo ang pagkadaot ug apostasiya sa iglesia sa kataposan sa pagpangalagad ni apostol Pablo—itandi sa 1 Corinto 9:1-2:**
- A. Nibiya sa pagpangalagad ni Pablo ang tanang magtutuo sa Asia, lakip na si Figelo ug si Hermogenes—2 Tim. 1:15.
 - B. Niingon si Himeneo ug si Fileto nga nahitabo na ang pagkabanhaw—2:17-18.
 - C. Si Demas, nga masigka-magbubuhay ni apostol Pablo, nahigugma sa panahon karon ug nibiya ni Pablo—4:10.
 - D. Si Alejandro nga mananalsal sa tumbaga nagbuhay og daghang daotang butang ngadto sa apostol ug hilabihan gyong nisupak sa mga pulong niya—vv. 14-15.
 - E. Sa unang paglaban sa apostol walay niuban niya aron motabang niya, gibiyaa hinuon siya sa tanan—v. 16
- II. Bisan sa panahon sa pagkadaot, sa nagkagrabeng pagkadaot sa dihang nangabihag ang kadaghanan sa katawhan sa Dios, naa gyoy salin nga kanunayng nagmatinumanon—1 Hari 19:14, 18; Rom. 11:5; Esd. 9:8; Neh. 1:3; Hag. 1:14:**
- A. Mananaog si Onesiforo nga nisupak sa gibuhay sa kadaghanan ug nibarog batok sa nagkagrabeng pagkadaot aron molunhaw sa embahador sa Ginoo diha sa espiritu, kalag, ug lawas, kay wala man niya ikaulaw ang pagkabilanggo sa apostol tungod sa tahas sa Ginoo—2 Tim. 1:16-18.
 - B. Tawo si Timoteo nga bug-os gyong nahingpit ug nasangkapan nga mangalagad sa pulong sa Dios, dili lang sa pag-atiman sa iglesia lokal kondili sa pag-atubang sab sa nagkagrabeng pagkadaot sa iglesia; samag-kalag siya ni apostol Pablo nga tinuod gyong nagtagad sa iglesia ug sa tanang balaan ug nagpahinumdom nila sa pamatasan ni Pablo diha ni Cristo—3:13-17; Fil. 2:19-22; 1 Cor. 4:17; 1 Tim. 1:16; 4:12.
 - C. Hinigugmang mananambal si Lucas, matinumanong kauban ni Pablo hangtod sa pagkamartir niya—Col. 4:14; Filem. 24; 2 Tim. 4:11.
 - D. Naggawi si Tito sa mao rang espiritu ug sa mao rang mga lakang ni Pablo aron mangatiman sa mga iglesia—2 Cor. 7:6-7; 12:18; Tito 1:4-5; 3:12; itandi sa 2 Tim. 4:10.
 - E. Nahimong mapuslanon si Marcos ni Pablo sa pagpangalagad niya—v. 11; itandi sa Buh. 15:37.
- III. Gisulat ang basahon sa 2 Timoteo alang sa mga tigbakuna, sa mga mobakuna sa uban batok sa pagkadaot sa iglesia—2:1-7, 15:**
- A. Magtutudlo ang tigbakuna—v. 2; Efe. 3:2:
 - 1. Kon dunay tawo diha sa iglesia lokal nga dunay napundong himsog nga mga pulong sa Ginoo, bansayon gyod niya ang mga tawong kasaligan aron duna sab silay maayong deposito gikan sa Ginoo ug makahimo sab sa pagpanudlo sa uban—1 Tim. 6:20; 2 Tim. 1:12-14.
 - 2. Atimanon gyod nato ang mga balaan pinaagi sa pagtulon-an sa pamatigayon sa Dios—Efe. 4:11; Col. 1:27-29; itandi sa 1 Tim. 3:2; 4:11-16:
 - a. Mangatiman gyod ta sa mga tawo pinaagi sa pagpaambit sa diosnong kinabuhi diha sa pagkatawo ni Jesus aron mapangga sila ug sa pagtudlo sa diosnong mga kamatuoran kanila diha sa pagkadios ni Cristo aron matil-ogan sila—Efe. 5:29.

- b. Ang pagpangatiman sa panon sa Dios sa pagpahayag ngadto nila sa tanang laraw sa Dios, sa pamatigayon sa Dios, manalipod sa iglesia gikan sa mga maglalaglag sa pagtukod sa Dios, magsagol nila sa Tulo-usang Dios ingon nga grasya, ug magbugkos nila pag-usa diha sa Iyang pagkausa—Buh. 20:26-30; Efe. 4:14; 1 Tim. 1:3-4; Rom. 16:17; itandi sa Ezeq. 33:1-11; 34:25; Zac. 11:7.
3. Ang nagbakunang magtutudlo, nga maayong ministro ni Cristo Jesus, natil-ogan sa mga pulong sa pagtuo ug nagbansay sa iyang espiritu aron ikinabuhi niya si Cristo adlaw-adlaw alang sa iglesiahonong kinabuhi—1 Tim. 4:6-7.
- B. Sundalo ang tigbakuna—2 Tim. 2:3-4:
 1. Giisip sa apostol nga pakig-away alang ni Cristo ang ilang pagpangalagad, maingon nga giisip nga serbisyo militar, pakig-away, ang sacerdotehanong pag-alagad—Num. 4:23, 30, 35; 1 Tim. 1:18; 2 Tim. 4:7.
 2. Ang pagpangalagad sa Ginoo mao ang pagpatingog sa trumpeta aron makaadto sa gubat ang kasundalohan; ang pagpakig-away sa maayong pakig-away pagpakig-away man batok sa lahing mga pagtulon-an sa mga magsusupak ug pagtuman sa pamatigayon sa Dios sumala sa pagpangalagad sa apostol—1 Cor. 14:8; 1 Tim. 1:18; Num. 10:9; Huk. 7:18.
 3. Aron makaaway sa maayong pakig-away alang sa mga tinguha sa Ginoo dinhi sa yuta, wadon gyod nato ang tanang yutan-ong gapos ug kuptan ang kinabuhing walay kataposan, dili mosalig sa atong tawhanong kinabuhi—1 Tim. 4:7; 6:12; itandi sa 2 Cor. 5:4.
 4. Magmabinantayon gyod ta sa pagpakig-away batok sa kamatayon, sa kataposang kaaway sa Dios, pinaagi sa pagpapuno sa kinabuhi aron maghari diha sa kinabuhi—Num. 6:6-7, 9; 2 Cor. 5:4; Rom. 5:17; 8:6, 11.
 5. Buntogon gyod ang atong pagbuot ug banhawon ni Cristo aron masama sa tore ni David, nga tipiganan sa mga hinagiban alang sa espirituhanong pakig-away—A. A. 4:4; itandi sa 1 Cron. 11:22.
- C. Atleta ang tigbakuna—2 Tim. 2:5:
 1. Modagan gyod ta sa Cristohanong lumba hangtod makaabot ta sa dag-anan, hingpit nga magtuman sa atong pagpangalagad diha sa bugtong-talagsaong pagpangalagad sa pamatigayon sa Dios aron madawat nato si Cristo nga ganti nato—4:5; 1 Cor. 9:24-25.
 2. Buntogon gyod nato ang atong lawas ug bihagon kini aron moalagad nato isip ulipon nga motuman sa balaang tuyo nato, dili sa kaugalingong pagpaningkamot nato kondili pinaagi sa Espiritu—vv. 26-27; Rom. 8:13.
 3. Magkinabuhi gyod ta sa normal nga iglesiahonong kinabuhi pinaagi sa pagpursigir nato ni Cristo nga pagkamatarong, pagtuo, paghigugma, ug pakigdait uban sa mga nagtawag sa Ginoo gikan sa putling kasingkasing—2 Tim. 2:22.
- D. Mag-uuma ang tigbakuna—v. 6:
 1. Umahan sa Dios ang iglesia, ang yutang gitikad Niya, ug mga masigka-magbubuhay ta sa Dios, nga nagbuhay uban Niya pinaagi sa kinabuhing mapahaomon-sa-tanan aron magpugas sa binhi sa kinabuhi ngadto sa mga tawo ug magbisbis nila sa Espiritu sa kinabuhi pinaagi sa Iyang himsog nga mga pulong—1 Cor. 3:6, 9; 2 Cor. 6:1a; Luc. 8:11; Juan 7:38; 6:63; 2 Cor. 3:6:
 - a. Ang pulong sa Dios, ingon nga lugas sa trigo, nagpaambit sa Dios nga kinabuhi nganhi nato aron magtil-og nato; kalayo ug maso sab kini nga moputli ug modugmok sa atong kaugalingon, sa atong natural nga kinabuhi, unod, mga pangibog, ug mga pangagpas—Jer. 23:28-29.
 - b. Gipadala sa Dios ang Iyang pulong sama sa ulan ug nieve nga mobisbis sa Iyang katawhan aron magbalaan, magtransorma, ug magpasama nila sa Iyang dagway aron matukod ang Lawas—Isa. 55:8-11; Juan 17:17; Efe. 5:26.
 2. Sa pagkontak nato sa mga balaan, usa ra gyod unta ang atong motibo—ipangalagad si Cristo kanila aron motubo sila diha sa Ginoo—1 Tim. 5:1-2.
- E. Mamumuo ang tigbakuna—2 Tim. 2:15:
 1. Ang tul-id nga paghubad sa pulong sa kamatuoran nagpasabot sa husto ug tul-id gyong pagpadayag sa pulong sa Dios sa nagkalainlaing bahin niini sa walay pagtuis (sama sa pagpamanday).

2. Gikinahanglan ang pulong sa kamatuoran, nga husto gyod pagkadayag, aron malamdagan ang mga tawong nangitngitan, mabakunahan batok sa hilo, malamoy ang kamatayon, ug mapabalik sa hustong dalan ang mga nitipas—itandi sa Buh. 26:18; Sal. 119:130.
3. “Hari untang kamat’oran, / Rayna ang kagawasan: / Bakak dugayng nikuyanap, / Sa yuta nanguna. / Kamatuoran balik na, / Kahayag Mo dad-a; / Dugmokang ka’way, / dad-ang mga Anak’s sabakan N’ya”—*Alawiton*, #960, estansa 8.